



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Außlegung der Episteln vnd Euangelien: von Ostern bis auff das Aduent**

**Luther, Martin**

**Wittemberg, 1547**

**VD16 L 5614**

7 Rechter weg/ friede vnd guts zu suchen vnd erlangen/ durch recht thun  
vnd gedult.

**urn:nbn:de:hbz:466:1-37032**

Veter/ von anfang der Welt/ gehört/ vnd von jm gelernet hat. Kompt her/ lieben Kinder (spricht er) so jr euch wolt leren vnd rates lassen/ Ich wil euch die rechte gute lere geben/ wie man sol Gott fürchten/ vnd seine Kinder werden. Wer ist/ der gerne wolt friede vnd gute tage haben? O wer wolt das nicht gerne (spricht alle Welt) Denn ja iderman darnach trachtet vnd ringet/ vnd die Welt/ alles was sie treibt/ darumb thut/ das sie meinet solchs zu erlangen.

Zweierley wege friede zu suchen.

Aber es sind zweierley wege dazu/ Einer den die Welt gehet/ welche wil also friede suchen/ das sie mit gewalt das ire erhalte/ vnd zuvor wil alle tod haben/ die jr wider sind/ vnd niemand leiden/ der jr vbel redet/ leid oder böses thut.

Oberkeit sol durch gewalt vnd straffe dem bösen wehren/ vñ friede schaffen.

Dieser weg ist wol dem Schwert vnd gewalt der Oberkeit befolhen/ Die sollen mit allem vleis solcher weise brauchen/ dem bösen zu steuren vnd zu wehren/ so viel sie immer können/ Aber sie werden doch nicht alles straffen noch wehren/ Es wird noch viel bleiben/ sonderlich das heimlich geschichte/ welches mus sich selbs straffen/ entweder hie/ oder hernach in der Helle/ Aber die Christen/ fur ire person/ werden durch diesen weg auff Erden nichts ausrichten/ Denn die Welt ist zu böse/ vnd hilffet jnen nicht.

Der Christen weg/ jnen friede zu schaffen/ durch schweigen vnd Gott vermahnen.

Darumb/ so du fur deine Person/ sonderlich als ein Christen/ wile friede haben/ so mustu einen andern weg treffen/ Der ist dieser/ so der Psalm dir weist/ vnd spricht/ Schweige deine zunge/ das sie nichts böses rede/ vnd deine lippen/ das sie nicht triegen. Das gehet zwar auch weiter auff die lere/ das man bey dem rechten Gottes Wort bleibe/ vnd sich nicht lasse durch falsche lere verführen. Aber S. Petrus fürets eraus/ in das eusserlich leben vnd wesen der Christen in der Welt.

Da gehees also zu/ das sie dieser vermanung wol bedürffen/ ire zunge zu schweigen etc. Weil sie so viel müssen leiden vmb jres Glaubens vnd bekentnis willen/ daher sie Christen heissen/ da sie von aller Welt gefehret/ verhasset/ verfolget/ gedrückt vnd geplaget werden/ Wie Christus zuvor jnen gesaget/ Matth. 10. Ir müisset ges

hasset werde von iderman vmb meines Namens willen etc. Das sie wol möchten sich lassen düncken/ vrsach zu haben/ wider böses zu vergelten/ Vnd müssen wol bewegt werden (weil sie auch noch fleisch vnd blut haben) zu zürnen vnd fluchen/ oder von jrem bekentnis vnd Predige ab zu lassen/ vnd mit dem andern hauffen/ der falschen Kirchen vnd abgötischen lere bey zu fallen.

Sie vermanet der Psalm/ Lieber Christ/ las dich solches alles nicht bewegen/ das du darumb auch böse werdest/ fluchest/ lesterst/ vnd widerspöckelst/ sondern bleib bey deinem Segen/ der dir zu ererben bereit ist/ Denn du kanst doch damit nicht besser machen/ noch dir etwas beholffen sein. Die Welt bleibe doch wie sie ist/ vnd wird nicht anders thun/ denn die frommen vnd glaubigen hassent nicht verfolgen. Was hilffet es dem/ das du feindlich darumb zürnest vnd fluchest/ trenckest nur selbs/ dein hertz mit bitterkeit/ beraubest dich dar ob des grossen seligen schatzes/ der dir gegeben ist.

Den des gleichen leret hienon/ auch der Spruch des vierden Psalms/ so die heiligen tröster vnd stercket wider solch ergernis vnd anfechtung/ so sie haben müssen von der Welt/ zu zorn vnd ungedult. Zürnet jr (spricht er) so sindiget nicht/ Redet mit ewern hertzen auff ewern lager/ vnd seid stille.

Das ist/ Ob jr gleich bewegt werde/ wie es die Natur dieses fleisches vñ bluts gibe/ das jr must sehen/ wie die Welt in jrem Gottlosen wesen vnd bosheit gros glück hat/ vnd euch dazu mit stoltz vnd freuel trotzet/ schmehet vnd verfolget/ So lasst euch doch nicht so bald entrüsten/ Lasset doch das leid/ vnmüt/ verdries vnd gremen/ erauffen bleiben vnd ligen/ auff ewern eusserlichem leben/ Leib/ gütern/ vnd mit ins hertz nicht einvozteln/ Sondern stillt ewer hertz/ vnd gebt euch zu frieden/ vnd achtet solches alles nicht werd/ das jr euch darumb ewern schlaff brechen lasset/ Vnd so jr woltet Gott recht dienen/ vnd gefellige opffer thun/ so hoffet auff jm/ in irn Glauben seines Wortes/ das er ewer lieber Gott sey/ der fur euch sorget/ euch erhört/ vnd vnmüdebarlich helffen wil etc.

Worede  
ne Lippen.

**N**o er aber hie weiter sagt/ Bewar  
deine lippen/ das sie nicht triegen.  
Das gehet (wie ich gesaget habe) fur  
nemlich auff die lere/ vnd bekentnis der  
selben/ Aber das ist gemeinlich auch  
dabey/ wo man anseheth zu zurnen vnd  
zu klagen vber leid vnd vnrecht/ vnd  
das hertz mit vngedult eingenomen ist/  
das machet den Menschen so wunder-  
lich vnd entbrand/ das er von der sache  
(so in ansichet) nicht kan reden/ wie sie  
an jr selbs ist/ sondern machet gewis-  
lich einen zusatz.

Wie auch im zorn vnd widerschlas-  
hen geschichte/ Wenn einer etwo ein we-  
nig/ als mit einer nadel spizen/ gewun-  
den ist/ feret er flugs zu/ wil dem andern  
einen schmarren aus dem kopff hawen/  
Wo ein teil mit einem wort ein wenig  
gerürt ist/ sehet es von stund an sein wi-  
derteil auffzusscheren/ zu schmehen vnd  
schenden.

zorn vnd  
rachte karn  
keine masse  
halten in  
worten vnd  
taten.]

Summa/ Ein zornig hertz kan kein  
masse nicht halten/ noch mit gleichem  
bezalen/ Sondern mus aus einer splies-  
ter oder kleinem steublin/ einen grossen  
balcken machen/ vnd aus einem funck-  
lin einen fewrigen berg auff blasen/  
mit widerschelten vnd stuchen/ Wil da-  
zu nicht vnrecht gethan haben/ son-  
dern wolt gerne/ wo es künde/ citel  
mord auff den Tsehesten bringen/ Vnd  
doch dannit dem selben viel grösser vns-  
rechte thut/ denn jm von jenem gesche-  
hen ist.

So böse vnd vnrecht ist die Natur/  
wo sie beleidigt wird/ das sie nicht an  
gleichem zu frieden ist/ sondern vber-  
tritt/ vnd fur zorn vnd rachte des Tse-  
hesten ehre/ ja auch leib vnd lebens  
nicht schonet/ Wie auch Jacob. i. sagt/  
Des Menschen zorn thut nicht was fur  
Gott rechte ist/ Das ist/ Er lesst den  
Menschen nicht bey seinem Glauben  
vnd gutem gewissen. Das thut des  
Amptes zorn nicht/ welcher ist Gottes  
zorn/ der suchet nicht des Menschen ver-  
derben/ sondern allein das laster zu stra-  
ffen/ wie es an jm selbs ist. Aber des  
Menschen eigen zorn vnd rache ist zu bö-  
se/ vnd kan sich nicht settigen/ er gibe  
zehn/ zwentzig schlege fur einen/ hund-  
dert böse wort vmb ein scheltwort.

Darumb sprichet S. Petrus/ Schwei-  
ge deine zunge/ vñ halt sie im zaum/ das

sie nicht eraus fare/ vnd sich verfühndige  
mit bösen worten/ vnd zwifeltig erger  
mache/ denn die ist geschehen. Vnd bes-  
ware deine lippen oder deinen mund/  
das er nicht triege/ noch zum Lügner  
werde/ vber deinem zorn/ wider war-  
heit vnd recht/ dem Tsehesten verleum-  
de/ oder lestere vnd schende/ wider das  
achte Gebot. Das stehet einem Chris-  
ten fur Gott vnd den Leuten vbel an/  
vnd bringet in zu dem schendlichsten la-  
ster/ dem Gott zum höchsten feind ist/  
vnd des Tsefels eigen/ Daher er auch  
ein lügner vnd lesterer (Diabolus oder  
Tsefel) heisst.

**M**eter spricht der Psalm/ Weiche  
vom bösen/ vnd thn gutes/ Das  
ist/ hüte dich/ das du nicht vmb eines  
andern boosheit willen auch böse wer-  
dest/ Denn der zorn vnd rache dencket  
nichts/ denn schaden vñ böse zu thun/  
Darumb vleissige dich viel mehr/ wo  
du kanst/ gutes zu thun/ damit dein  
hertz den rñm vnd freidigkeit behalte/  
vnd in deiner güte bleibest/ nicht aus  
Gottes gnade vnd seinem gehorsam/  
in des Tsefels dienst fallest/ welcher dir  
also zusetzt/ das er dich widerumb in  
seine stricke bringe/ vnd dein hertz vnd  
gewissen verbittere/ das du viel erger  
werdest/ denn ander Leute.

zorn vnd  
rachte lesse  
den Mens-  
chen nichts  
gutes thun.

Item/ Suche friede/ (spricht er) vnd  
jage jm nach. Das ist eine feine verma-  
nung/ vnd ein Götlicher trewer rat/  
Du darffest nicht dencken (wil er sa-  
gen) das dir der friede nach lauffen/ oder  
die Welt (viel weniger der Tsefel) dir  
in zu haus bringen wird/ Sondern das  
widerspiel wird dir widerfaren/ vñ frie-  
de von aussen wird man dir mit gros-  
sen hopffensecken voll zu tragen/ vnd  
zorn vnd bitterkeit aus deinem eigen  
herzen sich entzündet/ dich voll ewig-  
ger vnrüge zu machen.

Dem friede  
mus ein  
Christen  
nachjagen.

Darumb/ wiltu zu frieden komen/  
so mustu nicht warten/ bis dir ande-  
re Leute dazu helfen/ oder du selbs  
mit gewalt vnd rache dir friede schaf-  
fen werdest/ Sondern bey dir selbs mu-  
st es anfahen/ das du dich vom bösen  
zum guten wendest/ vnd dir darob we-  
he thust/ das dein hertz friede habe/ vnd  
erhalte/ wider alles/ das dir in nemen  
wil/ Das allzeit also dein hertz stehe/  
Ich wil nicht zurnen noch rache su-  
m iij chent/